॥प्रथमः प्रश्नः॥

॥ तैत्तिरीयसंहितायां तृतीयकाण्डे प्रथमः प्रश्नः॥

प्रजापंतिरकामयत प्रजाः सृंजेयेति स तपोंऽतप्यत् स सपानस्जत् सोंऽकामयत प्रजाः सृंजेयेति स द्वितीयंमतप्यत् स वया इंस्यसृजत् सोंऽकामयत प्रजाः सृंजेयेति स तृतीयंमतप्यत् स एतं दींक्षितवादमंपश्यत्तमंवदत्ततो वै स प्रजा अंसृजत् यत्तपंस्तस्वा दींक्षितवादं वदंति प्रजा एव तद्यजंमानः (१)

सृजते यद्वै दीं क्षितों ऽमेध्यं पश्यत्यपाँ समाद्दीक्षा क्रांमित् नीलंमस्य हरो व्येत्यबंद्धं मनो दिरद्रं चक्षुः सूर्यो ज्योतिषा ॥ श्रेष्ठो दीक्षे मा मा हासी रित्यां हु नास्मादी क्षा ऽपं क्रामित नास्य नीलं न हरो व्येति यद्वै दीं क्षितमंभि वर्षित दिव्या आपो ऽशाँ न्ता ओजो बलं दीक्षां (२)

तपौंऽस्य निर्घन्त्युन्द्तीर्बर्लं धृत्तौजों धृत्त बर्लं धृत्त मा में दीक्षां मा तपो निर्विधिष्टेत्यांहैतदेव सर्वमात्मन्धत्ते नास्यौजो बर्ल् न दीक्षां न तपो निर्घन्त्युग्निर्वे दीक्षितस्यं देवता सौंऽस्मादेतर्हिं तिर इंव यर्ह् याति तमीक्षर रक्षा से हन्तीर्- (३)

भुद्राद्भि श्रेयः प्रेहि बृह्स्पतिः पुरपुता ते अस्त्वित्यांह ब्रह्म वै देवानां बृह्स्पतिस्तमेवान्वारंभते स एन् सं पारयत्येदमंगन्म देवयजनं पृथिव्या इत्यांह देवयजन् इं ह्येष पृथिव्या आगच्छंति यो यजंते विश्वें देवा यदजुंषन्त पूर्व इत्यांह् विश्वे ह्यंतद्देवा जोषयंन्ते यद्ग्रांह्मणा ऋख्सामाभ्यां यजुंषा सन्तरंन्त इत्यांहर्ख्सामाभ्यां इ ह्यंष यजुंषा सन्तरंति यो यजंते रायस्पोषंण सिम्षा मंदेमेत्यांहाऽऽ-शिषंमेवैतामा शांस्ते॥ (४)

यजंमानो दीक्षार हन्तींब्रह्मणाश्चतींवेरशतिश्वारण——[१]

एष ते गायत्रो भाग इति मे सोमाय ब्रूतादेष ते त्रैष्टुंभो

जागतो भाग इति मे सोमाय ब्रूताच्छन्दोमाना साम्राज्यं गच्छेति

मे सोमाय ब्रूताद्यो वै सोम् र राजांन् साम्राज्यं लोकं गंमयित्वा कीणाति गर्च्छति स्वाना साम्राज्यं छन्दा सि खलु वै सोमस्य राज्ञः साम्राज्यो लोकः पुरस्ताथ्सोमस्य क्रयादेवम्भि मंत्रयेत

साम्राँज्यमेवै- (५)

नं लोकं गंमयित्वा क्रीणाति गच्छंति स्वानाः साम्रांज्यं यो वै तानूनप्रस्यं प्रतिष्ठां वेद प्रत्येव तिष्ठति ब्रह्मवादिनों वदन्ति न प्राश्वनित न जुह्नत्यथ् कं तानूनुष्ठं प्रति तिष्ठतीतिं प्रजापंतौ मन्सीतिं ब्र्यात् त्रिरवं जिघ्नेत्प्रजापंतौ त्वा मनंसि जुहोमीत्येषा वै तानूनुष्ठस्यं प्रतिष्ठा य एवं वेद प्रत्येव तिष्ठति यो (६)

वा अध्वर्योः प्रतिष्ठां वेद् प्रत्येव तिष्ठित् यतो मन्येतानंभिक्रम्य होष्यामीति तत्तिष्ठन्ना श्रांवयेदेषा वा अध्वर्योः प्रतिष्ठा य एवं वेद् प्रत्येव तिष्ठति यदंभिक्रम्यं जुहुयात्प्रंतिष्ठायां इयात्तस्मांध्समानत्र तिष्ठंता होतव्यं प्रतिष्ठित्ये यो वा अध्वर्योः स्वं वेद स्ववानेव भवति सुग्वा अस्य स्वं वायव्यमस्य (७)

स्वं चंम्सौंऽस्य स्वं यद्वांयव्यं वा चम्सं वाऽनंन्वारभ्या-ऽऽश्रावयेथ्स्वादियात् तस्मादन्वारभ्याऽऽश्राव्यक्ष् स्वादेव नैति यो वै सोम्मप्रतिष्ठाप्य स्तोत्रमुपाकरोत्यप्रतिष्ठितः सोमो भवत्यप्रतिष्ठितः स्तोमोऽप्रतिष्ठितान्युक्थान्यप्रतिष्ठितो यजमानो-ऽप्रतिष्ठितोऽध्वर्युर्वाय्वयं वै सोमंस्य प्रतिष्ठा चंम्सौंऽस्य प्रतिष्ठा सोमः स्तोमंस्य स्तोमं उक्थानां ग्रहं वा गृहीत्वा चंम्सं वोन्नीयं स्तोत्रमुपाकुंर्यात्प्रत्येव सोमई स्थापयंति प्रति स्तोमं प्रत्युक्थानि प्रति यजमानस्तिष्ठति प्रत्यंध्वर्यः॥ (८)

पृव तिंष्ठति यो वांयुव्यंमस्य ग्रह्ं वैकात्रविर्श्शतिश्चं॥४॥———[२]

य्ज्ञं वा एतथ्सम्भंरित् यथ्सोम्क्रयंण्यै पृदं यंज्ञमुख १ हंविर्धाने यर्हिं हविर्धाने प्राची प्रवर्तयेयुस्तर्हि तेनाक्ष्मुपा अयाद्यज्ञ-मुख एव य्ज्ञमनु सं तंनोति प्रार्श्वमृष्गिं प्र हंर्न्त्युत्पत्नीमा नयन्त्यन्वना १ सि प्र वंर्तयन्त्यथ् वा अस्यैष धिष्णियो हीयते सोऽनुं ध्यायति स ईंश्वरो रुद्रो भूत्वा (९)

प्रजां पृशून् यर्जमानस्य शर्मियतोर्यर्हि पृशुमाप्रीत्मुदेश्चं नयन्ति तर्हि तस्यं पशुश्रपंण हरेत्तेनैवैनं भागिनं करोति यर्जमानो वा आहवनीयो यर्जमानं वा एतद्वि कंर्षन्ते यदांहवनीयात्पशुश्रपंण हर्नन्ति स वैव स्यान्निर्मन्थ्यं वा कुर्याद्यजंमानस्य सात्मत्वाय यदि पृशोरंवदानं नश्येदाज्यंस्य प्रत्याख्यायमवं द्येथ्सैव ततः प्रायंश्चित्तिर्ये पृशुं विमश्चीरन् यस्तान्कामयेतार्तिमार्च्छेयुरितिं कुविदङ्गेति नमोवृक्तिवत्यर्चाऽऽ-ग्रींध्रे जुहुयान्नमोवृक्तिमेवेषां वृङ्के ताजगार्तिमार्च्छंन्त॥ (१०)

प्रजापंतेर्जायंमानाः प्रजा जाताश्च या इमाः। तस्मै प्रति प्र वेदय चिकित्वार अर्नु मन्यताम्। इमं पृशुं पंशुपते ते अद्य बुध्राम्यंग्ने सुकृतस्य मध्यें। अर्नु मन्यस्व सुयजां यजाम् जुष्टं

ब्ध्राम्यग्ने सुकृतस्य मध्ये। अनु मन्यस्व सुयजा यजाम् जुष्ट देवानांमिदमंस्तु ह्व्यम्। प्रजानन्तः प्रति गृह्णन्ति पूर्वे प्राणमङ्गेभ्यः पर्याचरंन्तम्। सुव्गं यांहि पृथिभिर्देवयानैरोषधीषु प्रति तिष्ठा शरीरैः। येषामीशे (११)

पशुपितः पशूनां चतुंष्पदामुत चं द्विपदाँम्। निष्क्रींतोऽयं युज्ञियं भागमेतु रायस्पोषा यजंमानस्य सन्तु। ये बुध्यमांनमनुं बुध्यमांना अभ्यक्षेन्त् मनंसा चक्षुंषा च। अग्निस्ता अभ्येक्षंन्त् मनंसा चक्षुंषा च। अग्निस्ता अभ्येक्षंन्त् मनंसा चक्षुंषा च। अग्निस्ता अभ्येक्षं प्र मुंमोक्तु देवः प्रजापंतिः प्रजयां संविदानः। य आर्ण्याः पृशवो विश्वरूपा विरूपाः सन्तो बहुधैकंरूपाः। वायुस्ता अग्रे प्र मुंमोक्तु देवः प्रजापंतिः प्रजयां संविदानः। प्रमुश्रमांना (१२)

भुवंनस्य रेतों गातुं धंत्त यजमानाय देवाः। उपाकृत १ शशमानं यदस्थां जीवं देवानामप्येंतु पार्थः। नानां प्राणो यजमानस्य पृशुनां यज्ञो देवेभिः सह देवयानः। जीवं देवानामप्येतु पार्थः सत्याः सन्तु यजमानस्य कामाः। यत्पशुर्मायुमकृतोरो वा पद्भिराहृते। अग्निर्मा तस्मादेनसो विश्वान्मुश्चत्व १ हंसः। शिमेतार उपेतन यज्ञं (१३)

देवेभिरिन्वितम्। पाशाँत्पशुं प्र मुंश्चत बन्धाद्यज्ञपंतिं परिं। अदितिः पाशुं प्र मुंमोक्केतं नर्मः पृशुभ्यः पशुपतंये करोमि। अरातीयन्तमधेरं कृणोमि यं द्विष्मस्तस्मिन्प्रतिं मुश्चामि पाशम्ं। त्वामु ते देधिरे हव्यवाह १ शृतं कर्तारमुत यृज्ञियं च। अग्ने सदेश्वः सतंनुर्हि भूत्वाऽथं ह्व्या जातवेदो जुषस्व। जातवेदो वपयां गच्छ देवान्त्व १ हि होतां प्रथमो बभूथं। घृतेन त्वं तनुवो वर्धयस्व स्वाहांकृत १ हिवरंदन्तु देवाः। स्वाहां देवेभ्यों देवेभ्यः स्वाहां॥ (१४)

प्राजापत्या वै प्रावस्तेषा र रुद्रोऽधिपतिर्यदेताभ्यांमुपाक्रोति ताभ्यांमेवेनं प्रतिप्रोच्या लंभत आत्मनोऽनांब्रस्काय द्वाभ्यांमुपा-करोति द्विपाद्यजंमानः प्रतिष्ठित्या उपाकृत्य पश्चं जुहोति

ईशें प्रमुअर्माना युज्ञन्त्व॰ षोडंश च॥४॥**------**[४]

करात द्विपाधजमानः प्राताष्ठत्या उपाकृत्य पश्च जुहात् पाङ्काः पृशवः पृश्ननेवावं रुन्धे मृत्यवे वा एष नीयते यत्पृशुस्तं यदंन्वारभेत प्रमायंको यजंमानः स्यान्नानां प्राणो यजंमानस्य पृश्ननेत्यांह् व्यावृत्त्ये (१५) यत्पृशुर्मायुमकृतेतिं जुहोति शान्त्ये शिमंतार उपेत्नेत्यांह

यथायजुरेवैतद्वपायां वा आहियमांणायाम्ग्रेमेंधोऽपं क्रामित् त्वामु ते दंधिरे हव्यवाह्मितिं वृपाम्भि जुंहोत्युग्नेरेव मेधुमवं रुन्धे- ऽथों शृतत्वायं पुरस्तांध्स्वाहाकृतयो वा अन्ये देवा उपरिष्टाथ्-स्वाहाकृतयोऽन्ये स्वाहां देवेभ्यों देवेभ्यः स्वाहेत्यभितों वृपां जुंहोति तानेवोभयांन्त्रीणाति॥ (१६)

व्यावृत्त्या अभितों वुपां पश्चं च॥२॥————[५]

यो वा अयंथादेवतं युज्ञम्ंपूचर्त्या देवताँभ्यो वृश्च्यते पापींयान्भवित यो यंथादेवतं न देवताँभ्य आ वृश्च्यते वसींयान्भवत्याग्नेय्यर्चाग्नींप्रम्भि मृंशेद्वैष्णव्या हंविधानंमाग्नेय्या सुचो वायव्यंया वायव्याँन्यैन्द्रिया सदो यथादेवतम्व युज्ञमुपं चरित न देवताँभ्य आ वृश्च्यते वसींयान्भवित युनिज्मं ते पृथिवीं ज्योतिषा सह युनिज्मं वायुमन्तिरक्षेण (१७)

ते सह युनिज्म वाच र सह सूर्येण ते युनिज्मं तिस्रो विपृचः सूर्यस्य ते। अग्निर्देवतां गायत्री छन्दं उपार्शः पात्रंमिस् सोमों देवतां त्रिष्ठुप्छन्दौं उन्तर्यामस्य पात्रंमसीन्द्रों देवता जगंती छन्दं इन्द्रवायुवोः पात्रंमिस् बृह्स्पतिर्देवतां उनुष्ठुप्छन्दों मित्रावरुणयोः पात्रंमस्यिभेनौ देवतां पङ्किश्छन्दोऽिश्वनोः पात्रंमिस् सूर्यो देवतां बृह्ती (१८)

छन्दंः शुक्रस्य पात्रंमिस चन्द्रमां देवतां सतोबृहती छन्दों मन्थिनः पात्रंमिस् विश्वं देवा देवतोष्णिहा छन्दं आग्रयणस्य पात्रंमसीन्द्रों देवतां कुकुच्छन्दं उक्थानां पात्रंमिस पृथिवी देवतां विराद्धन्दौ ध्रुवस्य पात्रमिस॥ (१९)

अन्तरिक्षेण बृह्ती त्रयंस्त्रि॰शच॥३॥

क्षीयत आस्नयाँन्मा मन्नाँत्पाहि कस्याँश्चिद्भिशंस्त्या इति पुरा प्रांतरनुवाकाञ्चंहुयादात्मनं एव तदेध्वर्युः पुरस्ताच्छर्मं नह्यतेऽनाँत्यें संवेशायं त्वोपवेशायं त्वा गायित्रयास्त्रिष्टुभो जगंत्या अभिभूँत्ये स्वाहा प्राणांपानौ मृत्योर्मा पातं प्राणांपानौ मा मां हासिष्टं देवतांसु वा एते प्रांणापानयोर्- (२०)

इष्टर्गो वा अध्वर्युर्यजमानस्येष्टर्गः खलु वै पूर्वोऽर्षुः

व्यायंच्छन्ते येषा् सोर्मः समृच्छते संवेशायं त्वोपवेशाय् त्वेत्यांह् छन्दा से वि संवेश उपवेशश्छन्दों भिरेवास्य छन्दा सि वृङ्के प्रेतिंवन्त्याज्यां नि भवन्त्यभिजित्ये मुरुत्वंतीः प्रतिपदो विजित्या उभे बृहद्रथन्तरे भेवत इयं वाव रंथन्तरम् बृहद्दाभ्यामेवेनं मन्तरेत्यद्य वाव रंथन्तर श्वो बृहद्दाश्यादेवेनं मन्तरेति भूतं (२१)

वाव रंथन्तरं भंविष्यद्वृहद्भूताचैवेनं भविष्यतश्चान्तरेति परिमितं वाव रंथन्तरमपेरिमितं बृहत्परिमिताचैवेनमपेरि-मिताचान्तरेति विश्वामित्रजमद्ग्नी वसिष्ठेनास्पर्धेता स् एतज्जमदेग्निर्विह्व्यंमपश्यत्तेन् वे स वसिष्ठस्येन्द्रियं वीर्यमवृङ्क यद्विहव्यर्श्शस्यतं इन्द्रियमेव तद्वीर्यं यजंमानो भ्रातृंव्यस्य वृङ्के यस्य भूया १ सो यज्ञकृतव इत्यांहुः स देवतां वृङ्कः इति यद्यंग्निष्टोमः सोमः प्रस्ताथस्यादुक्थ्यं कुर्वीत यद्युक्थ्यः स्यादंतिरात्रं कुर्वीत यज्ञकृतुभिरेवास्यं देवतां वृङ्के वसीया-भवति॥ (२२)

प्राण्पानर्थोर्भृतं वृङ्के प्रधाविश्वातिश्वाशाः [७]
निग्राभ्याः स्थ देवश्रुत् आयुर्मे तर्पयत प्राणं में तर्पयतापानं तर्पयत व्यानं में तर्पयत चक्षेमें तर्पयत श्रोत्रं में तर्पयत मनो

में तर्पयत व्यानं में तर्पयत् चक्षुंर्में तर्पयत् श्रोत्रें मे तर्पयत् मनों मे तर्पयत् वाचें मे तर्पयताऽऽत्मानें मे तर्पयताङ्गांनि मे तर्पयत प्रजां में तर्पयत पृश्नून्में तर्पयत गृहान्में तर्पयत गुणान्में तर्पयत सर्वगंणं मा तर्पयत तर्पयंत मा (२३)

गुणा में मा वि तृष्त्रोषंधयों वै सोमंस्य विशो विशः खलु वै राज्ञः प्रदांतोरीश्वरा ऐन्द्रः सोमोऽवींवृधं वो मनंसा सुजाता ऋतंप्रजाता भग इद्धंः स्याम। इन्द्रेण देवीवींरुधंः संविदाना अनु मन्यन्ता सवनाय सोम्मित्याहौषंधीभ्य एवैन् स्वायै विशः स्वायै देवतायै निर्याच्याभि षुणोति यो वै सोमंस्याभिषूयमाणस्य (२४)

प्रथमोऽ एशः स्कन्दिति स ई श्वर इंन्द्रियं वीर्यं प्रजां प्शून् यजंमानस्य निर्हंन्तोस्तम्भि मंत्रयेताऽऽ माँऽस्कान्थ्सह प्रजयां सह रायस्पोषेणेन्द्रियं में वीर्यं मा निर्वधीरित्याशिषंमेवैतामा शाँस्त इन्द्रियस्यं वीर्यंस्य प्रजाये पशूनामनिर्घाताय द्रफ्सश्चंस्कन्द पृथिवीमनु द्यामिमं च योनिमनु यश्च पूर्वः। तृतीयं योनिमनुं स्अरंन्तं द्रफ्सं जुंहोम्यनुं सप्त होत्राः॥ (२५)

तुर्पर्यंत माऽभिषूयमाणस्य यश्च दशं च॥३॥———[८]

यो वै देवान्देवयश्सेनार्पयंति मनुष्यांन्मनुष्ययश्सेनं देव-यश्स्येव देवेषु भवंति मनुष्ययश्सी मंनुष्येषु यान्प्राचीनंमाग्रयणाद् ग्रहांन्गृह्णीयात् तानुंपार्शु गृह्णीयाद्यानूर्ध्वाङ्स्तानुंपिब्द्मतों देवानेव तद्देवयश्सेनांपयति मनुष्यांन्मनुष्ययश्सेनं देवयश्स्येव देवेषुं भवति मनुष्ययश्सी मंनुष्येष्वग्निः प्रांतःसवने पांत्वस्मान् वैश्वान्रो मंहिना विश्वशंन्भूः। स नंः पावको द्रविणं दथा- (२६)

त्वायुंष्मन्तः सहभंक्षाः स्याम। विश्वं देवा म्रुत् इन्द्रों अस्मान्स्मिन्द्वितीये सर्वने न जंह्यः। आयुंष्मन्तः प्रियमेषां वदंन्तो वयं देवानार सुमृतौ स्याम। इदं तृतीयर सर्वनं कवीनामृतेन् ये चम्समैर्यन्त। ते सौधन्वनाः सुवंरानशानाः स्विष्टिं नो अभि वसीयो नयन्तु। आयतंनवतीर्वा अन्या आहुतयो हूयन्तेऽनायत्ना अन्या या आंघारवंतीस्ता आयतंनवतीर्याः (२७)

सौम्यास्ता अंनायत्ना ऐंन्द्रवायवमादायांऽऽघारमा घारयेदध्वरो युज्ञोंऽयमंस्तु देवा ओषंधीभ्यः पृशवें नो जनाय विश्वंस्मै भूतायांध्वरोंऽसि स पिंन्वस्व घृतवंद्देव सोमेति सौम्या एव तदाहुंतीरायतंनवतीः करोत्यायतंनवान्भवित य एवं वेदाथो द्यावांपृथिवी एव घृतेन व्यंनित्त ते व्यंत्ते उपजीवनीयें भवत उपजीवनीयों भवति (२८)

य एवं वेदैष ते रुद्र भागो यं निरयांचथास्तं जुंषस्व विदेगींपत्यः रायस्पोषः सुवीर्यः संवध्सरीणाः स्वस्तिम्। मर्नुः पुत्रेभ्यो दायं व्यंभज्ञथ्स नाभानेदिष्ठं ब्रह्मचर्यं वसन्तं निरंभज्ञथ्स आगंच्छुथ्सोंऽब्रवीत्कथा मा निरंभागिति न त्वा निरंभाक्षमित्यंब्रवीदङ्गिरस इमे सुत्तमांसते ते (२९)

सुंवर्गं लोकं न प्र जांनिन्त् तेभ्यं इदं ब्राह्मंणं ब्रूहि ते सुंवर्गं लोकं यन्तो य एषां पृशवस्ता इस्ते दास्यन्तीति तदेंभ्यो- ऽब्रवीत्ते सुंवर्गं लोकं यन्तो य एषां पृशव आस्नानंस्मा अददुस्तं पृश्मिश्चरंन्तं यज्ञवास्तौ रुद्र आगंच्छुभ्सौ ऽब्रवीन्मम् वा इमे पृशव इत्यदुर्वे (३०)

मह्यंमिमानित्यंब्रवीन्न वै तस्य त ईशत् इत्यंब्रवी् घद्यंज्ञवास्तौ हीयंते मम् वै तदिति तस्माँ चज्ञवास्तु नाभ्यवेत्य १ सौं-ऽब्रवीद्यज्ञे मा भृजार्थं ते पृश्चन्नाभि मईस्य इति तस्मां एतं मृन्थिनः सइस्रावमंजुहोत्ततो वै तस्यं रुद्रः पृश्चन्नाभ्यंमन्यत् यत्रैतमेवं विद्वान्मन्थिनः सइस्रावं जुहोति न तत्रं रुद्रः पृश्चनिभ मंन्यते॥ (३१)

दुधाल्वायतंनवर्तायां उपजीवनीयां भवति तेऽदुवै यत्रैतमेकांदश च॥६॥——[९] जुष्टो वाचो भूयास् जुष्टो वाचस्पतंये देवि वाक्। यद्वाचो

मधुंमृत्तिस्मंन्मा धाः स्वाहा सरंस्वत्यै। ऋचा स्तोम् समर्धय गायत्रेणं रथन्तरम्। बृहद्गायत्रवंतिन। यस्ते द्रुपसः स्कन्दंति यस्ते अध्शुर्बाहुच्युंतो धिषणंयोरुपस्थात्। अध्वर्योर्वा परि यस्ते प्वित्राथ्स्वाहांकृतिमन्द्राय तं जुंहोमि। यो द्रुपसो अध्शुः पंतितः पृथिव्यां पंरिवापात् (३२)

पुरोडाशाँत्कर्म्भात्। धानासोमान्मन्थिनं इन्द्र शुक्राथ्-स्वाहांकृत्मिन्द्रांय तं जुंहोमि। यस्ते द्रफ्सो मधुंमा॰ इन्द्रियावान्थ्स्वाहांकृतः पुनर्प्येति देवान्। दिवः पृंथिव्याः पर्यन्तरिक्षाथ्स्वाहांकृत्मिन्द्रांय तं जुंहोमि। अध्वर्युर्वा ऋत्विजां प्रथमो युंज्यते तेन् स्तोमो योक्तव्यं इत्यांहुर्वागंग्रेगा अग्रं एत्वृजुगा देवेभ्यो यशो मिय दर्धती प्राणान्पशुषुं प्रजां मियं (३३)

च यजंमाने चेत्यांह् वाचंमेव तद्यंज्ञमुखे युंनिक्त वास्तु वा एतद्यज्ञस्यं क्रियते यद्भ्रहाँन्गृहीत्वा बंहिष्पवमान स्पर्पन्ति पराँश्चो हि यन्ति परांचीभिः स्तुवते वैष्णव्यर्चा पुनरेत्योपं तिष्ठते यज्ञो वै विष्णुर्यज्ञमेवाकुर्विष्णो त्वं नो अन्तमः शर्म यच्छ सहन्त्य। प्र ते धारां मधुश्चत उथ्सं दुह्नते अक्षितमित्यांह् यदेवास्य शयांनस्योप्शुष्यंति तदेवास्यैतेना प्यांययति॥ (३४)

परिवापात्प्रजां मिर्वे दहते चतुर्दश च॥३॥———[१०]

अग्निनां र्यिमंश्ञवृत्पोषंमेव दिवेदिवे। युशर्सं वीरवंत्तमम्॥

गोमा र अग्नेऽविमार अश्वी यज्ञो नृवथ्संखा सद्मिदंप्रमृष्यः। इडांवार एषो अंसुर प्रजावान्दीर्घो रियः पृथुबुप्नः सभावान्॥ आ प्यांयस्व सं ते॥ इह त्वष्टांरमग्रियं विश्वरूपमुपं ह्वये। अस्माकंमस्तु केवंलः॥ तन्नंस्तुरीपमधं पोषियृ देवं त्वष्ट्विं रंराणः स्यंस्व। यतो वीरः (३५)

कंर्मण्यः सुदक्षो युक्तग्रांवा जायंते देवकांमः। शिवस्त्वंष्टिर्हा गंहि विभः पोषं उत त्मनां। यज्ञेयंज्ञे न उदंव। पिशङ्गंरूपः सुभरों वयोधाः श्रुष्टी वीरो जांयते देवकांमः। प्रजां त्वष्टा विष्यंतु नाभिंमस्मे अथां देवानामप्यंतु पार्थः। प्र णों देव्या नों दिवः। पीपिवारस्र सरंस्वतः स्तनं यो विश्वदंर्शतः। धुक्षीमिहं प्रजामिषम्ं। (३६)

ये ते सरस्व ऊर्मयो मधुमन्तो घृत्श्चतः। तेषां ते सुम्नमीमहे। यस्यं व्रतं प्रावो यन्ति सर्वे यस्यं व्रतमुप्तिष्ठंन्त आपः। यस्यं व्रते पृष्टिपतिर्निविष्ट्रस्त सरंस्वन्तमवंसे हुवेम। दिव्य सुप्णं वयसं बृहन्तम्पां गर्भं वृष्ममोषधीनाम्। अभीप्तो वृष्ट्या तर्पयंन्तं तस् सरंस्वन्तमवंसे हुवेम। सिनीवालि पृथुष्टुके या देवानामिस स्वसां। जुषस्वं ह्व्य- (३७)

माहुंतं प्रजां देवि दिदिष्ट्वि नः। या सुंपाणिः स्वंङ्गुरिः सुषूमां बहुसूवंरी। तस्यै विश्पित्रिये हुविः सिनीवाल्ये जुंहोतन। इन्द्रं वो विश्वतस्परीन्द्रं नरंः। असिंतवर्णा हरंयः सुपर्णा मिहो वसाना दिवमुत्पंतन्ति। त आऽवंवृत्रन्थ्सदंनानि कृत्वाऽऽ-

दित्पृंथिवी घृतैर्व्युंद्यते। हिरंण्यकेशो रजंसो विसारेऽहिर्धुनिर्वातं इव ध्रजीमान्। श्चिभ्राजा उषसो (३८) नर्वदा यशंस्वतीरपस्युवो न सत्याः। आ ते सुपर्णा अमिनन्त

एवैं: कृष्णो नोनाव वृषभो यदीदम्। शिवाभिन स्मयंमाना-भिरागात्पतंन्ति मिहंः स्तनयंन्त्यभ्रा। वाश्रेवं विद्युन्मिमाति वथ्सं

न माता सिंपक्ति। यदेंषां वृष्टिरसंर्जि। पर्वतश्चिन्महिं वृद्धो बिंभाय दिवश्चिथ्सानुं रेजत स्वने वैः। यत्क्रीडंथ मरुत - (३९) ऋष्टिमन्त आपं इव सिप्रयंश्चो धवध्वे। अभि क्रंन्द स्तनय

गर्भमा धां उदन्वता परिं दीया रथेन। दति ५ सु केर्ष विषितं न्यं अर समा भवन्तू द्वतां निपादाः। त्वं त्या चिदच्युताग्ने पृशुर्न यवंसे। धामां ह यत्तें अजर वनां वृश्चन्ति शिक्वंसः। अग्ने भूरीणि तर्व जातवेदो देवं स्वधावोऽमृतंस्य धार्म। याश्चं (४०)

माया मायिनां विश्वमिन्व त्वे पूर्वीः संन्दधुः पृष्टबन्धो। दिवो नों वृष्टिं मंरुतो ररीध्वं प्र पिंन्वत वृष्णो अश्वंस्य धारौंः। अवङितेनं स्तनयित्नुनेह्यपो निषिश्चन्नस्ंरः पिता नः। पिन्वंन्त्यपो मरुतः सुदानंबः पयों घृतवंद्विदथें प्वाभुवंः। अत्यं न मिहे वि नंयन्ति वाजिनमुथ्सं दुहन्ति स्तनयंन्तमक्षितम्। उद्प्रुतों मरुतुस्ता ५ इंयर्त वृष्टिं (४१)

ये विश्वें मुरुतों जुनन्तिं। क्रोशांति गर्दा कन्येंव तुन्ना पेर्रु तुआना पत्येव जाया। घृतेन द्यावापृथिवी मधुना समुक्षत पर्यस्वतीः कुणुताऽऽप ओषंधीः। ऊर्जं च तत्रं सुमतिं चं पिन्वथ यत्रां नरो मरुतः सिश्चथा मधुं। उदु त्यं चित्रम्। और्वभृगुवच्छुचिमप्रवानवदा हंवे। अग्निर संमुद्रवांससम्। आ सवर संवित्यंथा भगंस्येव भुजि १ हुंवे। अग्नि १ संमुद्रवांससम्। हुवे वातंस्वनं कविं पुर्जन्यंक्रन्द्यु सहंः। अग्नि संमुद्रवांससम्॥ (४२)

वीर इष हव्यमुषसों मरुतश्च वृष्टिं भगस्य द्वादंश च॥८॥____ प्रजापितरकामयतैष तें यज्ञं वै प्रजापंतेर्जायंमानाः प्राजापत्या यो वा अयंथादेवतिमष्टर्गों निग्राभ्याः स्थ यो वै देवां जुष्टोऽग्निनां रियमेकांदश॥११॥

प्रजापंतिरकामयत प्रजापंतेर्जायंमाना व्यायंच्छन्ते मह्यंमिमान्माया मायिनां द्विचंत्वारि १ शत्॥४२॥ प्रजापंतिरकामयताग्नि । संमुद्रवांससम्॥

हरिः ॐ॥

॥कृष्ण-यजुर्वेदीय-तैत्तिरीय-संहितायां तृतीयकाण्डे प्रथमः प्रश्नः समाप्तः॥३-१॥

月 generated on April 28, 2025

Downloaded from

🔾 http://stotrasamhita.github.io | 🖸 StotraSamhita | Credits